

通鑑前編

通鑑前編

通鑑前編卷之十五

金履祥編

庚寅周靈王元年正月葬簡王

杜氏曰五月而葬速也

鄭師伐宋鄭成公卒子髡頑嗣

是為
僖公

晉師宋師衛

甯殖侵鄭晉荀罃宋華元魯仲孫蔑衛孫林父曹

人邾人會于戚晉荀罃齊崔杼宋華元魯仲孫蔑

衛孫林父曹人邾人滕人薛人小邾人會于戚遂

城虎牢

左氏曰鄭人侵宋楚令也鄭成公疾子駟請息肩於晉公

曰楚君以鄭故親集矢於其目非異人任寡人也若背之
是棄力與言其誰暱我鄭伯卒於是子罕當國子駟爲政
子國爲司馬晉師侵鄭諸大夫欲從晉子駟曰官命未改
會于戚謀鄭故也孟獻子曰請城虎牢以偏鄭知武子曰
善鄆之會吾子聞崔子之言今不來矣滕薛小邾之不至
皆齊故也寡君之憂不唯鄭當將復於寡君而請於齊若
不得請事將在齊吾子之請諸侯之福也冬復會于戚齊
崔武子及滕薛小邾之大夫皆會遂城虎牢鄭人乃成

二年楚公子嬰齊帥師伐吳吳人伐楚

單子晉侯宋公魯侯衛侯鄭伯莒子邾子齊世子

光同盟于雞澤陳侯使袁僑會諸侯之大及

不僭盟

左氏曰晉之無張故且欲脩兵好將合諸侯使士公告于
齊侯欲為之而難為不協乃盟於面外六月公會于頃
公之諸侯同于雞澤晉侯使荀會逆兵于淮上不至
楚王平為令二侯飲於小國陳成公使袁僑如會求成秋
諸侯之大夫以陳袁僑盟穀梁氏曰諸侯盟又大夫相
盟也蓋無大夫張也故雞澤之會諸侯始失正矣○陳氏
曰以大夫盟袁僑晉侯不欲袁僑誣諸侯也雖然有諸侯
在而大夫盟於是始晉悼公為之也諸侯在焉而失天自

爲盟而后大夫專盟矣大夫專盟自定始

三年陳成公卒子溺嗣

是爲哀公

左氏曰楚司馬公子何忌侵陳春猶亡繁繁子惠之
陳成公卒楚人將伐陳聞喪乃止陳人不聽仲夏楚彭名
侵陳

陳人圍頓

左氏曰楚人使頓簡陳而侵伐之故陳人圍頓

晉大夫魏絳明諸戎

左氏曰燕終子嘉父使孟樂如晉因魏莊子納虎豹之皮

以請和諸戎晉侯曰我欲無親而貪不如伐之魏絳曰諸

也新敗陳新來和將觀於我我德則睦否則攜貳勞師於
戎而楚伐陳必弗能救是棄陳也諸華必叛獲戎失華無
乃不可乎公曰然則莫如和戎乎對曰和戎有五利焉戎
狄荐居貴貨易土土可賈焉一也邊鄙不聳民狎其野穡
人成功二也戎狄事晉四鄰振動諸侯威懷三也以德綏
戎師徒不勤甲兵不頓四也鑒于后羿而用德度遠至邇
安五也君其圖之公說使魏絳盟諸戎脩民事田以時
四年王叔陳生如晉晉侯使士魴來京師
左氏曰王使王叔陳生懇戎于晉晉人執之士魴如京師
言王叔之貳於戎也

晉侯宋公魯侯陳侯衛侯鄭伯曹伯莒子邾子滕子薛伯齊世子光吳人鄫人會于戚

左氏曰吳子使壽越如晉辭不會于雞澤之故且請聽諸侯之好晉人將爲之合諸侯使魯衛先會吳且告會期故孟獻子孫文子會吳于善道九月盟于戚會吳且命戍陳也

諸侯戍陳楚公子貞帥師伐陳晉侯宋公魯侯衛侯鄭伯曹伯齊世子光救陳

左氏曰楚人討陳叛故曰由令尹子辛實侵欲焉乃殺之子囊爲令尹范宣子曰我喪陳矣楚人討貳而立子囊必

改行而疾討陳陳近於楚民朝夕急能無往乎有陳非吾事也無之而後可

五年莒人滅鄆

齊侯滅萊

六年楚公子貞帥師圍陳晉侯宋公魯侯陳侯衛侯曹伯莒子邾子會于鄆鄭僖公如會未見諸侯卒于鄆公子駢實弑之而立其子嘉是為簡公陳侯逃歸

左氏曰楚子囊圍陳會于鄆以救之鄭僖公將會于鄆及鄆子駢使賊夜弑僖公而以瘞疾赴于諸侯簡公生五年

奉而立之明年春鄭羣公子以僖公之死也謀子駟子駟
先之殺子狐子熙子侯子丁陳人患楚慶虎慶寅謂楚人
曰吾使公子黃往而執之告陳侯于會曰楚人執公子黃
矣君若不來羣臣不忍社稷宗廟懼有二圖陳侯逃歸○
公羊氏曰鄭伯髡原如會未見諸侯卒于操隱之也弑也
不言弑爲中國諱也鄭伯將會諸侯于鄆其大夫諫曰中
國不足歸也則不若與楚鄭伯曰不可其大夫曰以中國
爲義則伐我喪以中國爲彊則不若楚於是弑之未見諸
侯其言如會何弑其意也○穀梁氏曰鄭伯將會中國其
意欲從楚不勝其臣弑而死其不言弑不使夷狄之民加

于中國之君也

顧祥按鄭僖公之卒春秋不以弑書疑獄也獄之疑霍主之不明也明年春鄭羣公子以僖公之死也謀于子駟殺之其冬子駟卒建從楚之策然則弑僖之獄非疑也夫以霸主在焉諸侯皆在焉而鄭僖之來其卒不明從其瘧疾之赴以是爲晉悼諸侯之病也春秋書會于鄆鄭伯髡頑如會未見諸侯卒于鄆蓋憐鄭伯之志以責於晉悼及諸侯也先王之禮薨于朝會加一等死王事加二等僖公加於人一二等矣

七年鄭人侵蔡獲蔡公子燮晉侯鄭伯齊人宋人

魯人衛人邾人會于邢丘

左氏曰鄭子國子耳侵蔡獲司馬公子燮鄭人皆喜唯二
產不順曰小國無文德而有武功禍莫大焉楚人來討能
勿從乎從之晉師必至晉楚伐鄭自今鄭國不四五年弗
得寧矣會于邢丘以命朝聘之數使諸侯之大夫聽命于
孫宿齊高厚宋向戌衛甯殖邾大夫會之鄭伯獻捷于會
故親聽命

楚公子貞帥師伐鄭

左氏曰楚子囊伐鄭討其侵蔡也子駟子國子耳欲從楚
子孔子驍子展欲待晉子駟曰周詩有之俟河之清人壽

幾何姑從楚以紓吾民晉師至吾又從之犧牲玉帛待于
二竟以待彊者而庇民焉子展曰小所以事大信也小國
無信兵亂日至五會之信今將背之雖楚救我將安用之
親我無成鄙我是欲不可從也不如待晉晉君方明四軍
無關八卿和睦必不棄鄭楚師遼遠糧食將盡必將速歸
完守以老楚杖信以待晉不亦可乎子駟曰謀夫孔多是
用不集請從楚駢也受其咎乃及楚平使王子伯駢告于
晉曰君命敝邑脩而車賦倣而師徒以討亂略蔡人不從
敝邑之人不敢寧處悉索敝賦以討于蔡獲司馬燮獻于
邢立今楚來討曰女何故稱兵于蔡焚我郊保馮陵我城

郭敝邑之眾夫婦男女不遑啓處以相救也翦焉傾覆無
所控告民死亡者非其父兄卽其子弟夫人愁痛不知所
庇民知窮困而受盟于楚孤也與其二三臣不能禁止不
敢不告知武子使行人子員對之曰君有楚命亦不使一
介行李告于寡君而卽安于楚君之所欲也誰敢違君寡
君將帥諸侯以見于城下唯君圖之

八年晉侯宋公魯侯衛侯曹伯莒子邾子滕子薛
伯杞伯小邾子齊世子光伐鄭同盟于戲楚子
鄭

左氏曰秦景公使乞師于楚將以伐晉楚子許之

不可當今吾不能與晉爭晉君類能而使之舉不失選官
不易方其卿讓於善其大夫不失守其士競於教其庶人
力於農穡商工皂隸不知遷業韓厥老矣知營稟焉以爲
政范匄少於中行偃而上之使佐中軍韓起少於欒黶而
欒黶士魴上之使佐上軍魏絳多功以趙武爲賢而爲之
佐君明臣忠上讓下競當是時也晉不可敵事之而後可
楚子曰吾旣許之雖不及晉必將出師師於武城以爲秦
援秦人侵晉晉饑弗能報也冬諸侯伐鄭魯齊宋之大夫
從荀罃士匄門一郭明衛曹邾人從荀偃韓起門于師之
梁滕薛人從欒黶士魴門于北門杞邾人從趙武魏絳斬

行粟師于汜令於諸侯曰脩器械盛餼糧歸老幼居疾于
虎牢肆眚圍鄭鄭人恐乃行成中行獻子曰遂圍之以待
楚人之救也而與之戰不然無成知武子曰許之盟而還
師以敝楚人吾二分四軍與諸侯之銳以逆來者於我未
病楚不能矣猶愈於戰諸侯皆不欲戰乃許鄭成同盟于
戲鄭服也士莊子爲載書曰自今日既盟之後鄭國不唯
晉命是聽而或有異志者有如此盟公子駢趨進曰天禍
鄭國使介居二大國之間大國不加德音而亂以要之使
其鬼神不獲歆其饗其民人不獲享其土利夫婦之苦
墊隘無所底告自今既盟之後鄭國而不唯有禮與彊

可以庇民者是從而敢有異志者亦如之荀偃曰改載書
公孫舍之曰昭大神要言焉若可改也大國亦可叛也知
武子曰我實不德而要人以盟豈禮也哉姑盟而退將德
息師而來終必獲鄭我之不德民將棄我豈唯鄭若能休
和遠人將至何恃於鄭乃盟而還楚子伐鄭子駟將及楚
平子孔子蟜曰與大國盟口血未乾而背之可乎子駟子
展曰吾盟固云惟彊是從今楚師至晉不我救則楚彊矣
且要盟無質背之可也乃及楚平楚莊夫人卒楚子未能
定鄭而歸○晉侯歸謀所以息民魏絳請施舍輸積聚以
貸自公以下苟有積者盡出之國無滯積亦無困人公無